

Tu pouuois bien penser a toy
Que pas ne les refuseroit. le riche
Ha monsieur il me disoit
Qu'il nen prendroit ia moins de cent.
le iuge.

Ton rapport est sans entendement
Car il ny a raison quelquocque.. le riche
Que ien aye lamoictie doncque
Car la perte seroit trop grande.
le iuge.

Da dire a dieu qui te les rende
Puis que les a donnez pour luy
le pauvre.

Ha dea vous estes estourdy
Je men boys sans plus darrest. le riche.
Monsieur faictes luy arrest
Car il veut emporter ma robe. le iuge.
Dienca drouet que nul ne hobe
Ceste robe est elle tienne. le pauvre
Saint iean monsieur elle est mienne.
le riche

Vous me la renderez au surplus
le pauvre.

Ainsi disoit il des escus
Cest un fort terrible sire
Vous scauez quil ne scait que dire
Il demande / puis lun / puis lautre /
Puis dun coste / & puis dautre
La teste il a esseruellee. le riche.
Dea monsieur ie luy ay prestee
Pour Venir iusques icy
le pauvre.

Ha ie vous nye tout cecy
Par saint iean il nen est rien
le iuge

Par bieu drouet ie ten croy bien
le pauvre

He ie ne suis point couart
le riche.

Ha que le diable y ayt part
Au iuge & au sauétier
A la femme & au iugier
Ne qui le fit onc estre iuge
Haro quel mal faict quel deluge
Mes cent escus sont ilz perdus
Doire dea boire / cent escutz
Que le grant diable y ayt part
le pauvre.

Hay ienin hay / pauvre couart
Jauray robe or & argent
Par ma foy il est mal / le
Mais est elle point retournee
Je suis paye de ma iournee
Par donnez nous ieunes & Vieux
Une autre foy nous ferons micux
A A A.